

四庫全書

集部

欽定四庫全書

整菴存稿卷十六

明 羅欽順 撰

五言古詩

三十一首 七言古詩

二十一首 五言律詩

五十一首

分題得含春亭送李惟誠大叅之陝西

終南不改色清渭仍東流春花幾開落亭址餘荒丘城
頭北斗低明月滿高樓金蓮無消息長夜風颼颼憶昔
貞觀初廟堂多俊游從容奉清問高步登瀛洲王道何
坦蕩致理侔殷周嗟嗟令狐子得君無與儔云胡延英

奏背汗沾重裘形迹一以拘肝膽何由投大夫中朝彥
攬轡澄西州勝跡應徧覽茲亭無久留永懷明良會夙
夕弘嘉猷休聲諒自致允矣垂千秋

送大宗伯王公入朝

束髮事明主久矣勤疏附息偃且南都雍容奉王度功
成期月間四曹靡留務持此贊熙哉皇心副傾注午棹
龍江津昏鐘廣陵渡望望春明門靡靡朝天路旭日繞
龍鱗仙班遙鵷鷺乃眷世臣良三接隆恩遇庶弘造膝

規允慰儒紳慕

送太宰林公入朝

暄陽舒萬景花葉光
疑疑燕餞屬芳辰
衣冠紛萃止
初筵顯有孚
既醉胥燕喜
瀟灑瀛洲仙
雍容尚書履
萬里遠朝天
初發龍江涘
簫鼓喧中流
鳬鷺滿新水
仝離誰不懷
余心特殊此
自古經濟資
清光恒密邇

為謝以中題山水扇面

花柳塞川谷不知山
淺深茅亭面流水
蘭若依喬林上

有白雲飛迢迢巖壑陰下有清泉鳴泠泠鐘磬音扁舟
來何許漁父遙追尋握手一長嘯悠然千古心此中有
真樂安得投華簪願從賢公子高步閬風岑

自勵

昔聞爨下桐乃克伯喈琴知音苟不作山水徒高深平
生守章句中歲勤溫尋新知能幾何淘沙初見金聖賢
諒非遠萬里行自今精誠神所相無虞力難任以茲恒
夙夜聊欲忘華簪

其二

峩峩數仞牆百官紛濟濟眇茲牆外軀所見諒無幾高
門日夜闢欲入誰余梃柰何迷不思竄身荆棘裏

其三

紫陽基下學象山明自然支離與徑捷彼此嘗交鑄百
年公論定畢竟誰為偏昔聞昌黎語軻死失其傳皇極
久不建西教擅吾權投人劇妖冶落網無愚賢孰辨真
頑空拘肆成癡顛良心一以溺作聖何由緣二程開興

運勗力掃腥羶涵養須用敬致知學攸先神功合內外
彝訓肅昭宣誰哉樂易簡徑欲遺陳編自然豈不貴無
乃流於禪孤風邈難嗣缺月澹寒川近來白沙老應執
九原鞭緬思原泉句今昔幾尼淵寧知下學功是水可
澄鮮

為歐陽牧之題竹二首

深根便東引挺出懸崖畔東風翼新梢勢欲凌霄漢惟
應具眼人不作尋常看

此君吾所愛一見心神融
由來律呂聲出自空洞中
歲寒凜無恙葉葉皆清風

東牕為曾如周賦

栽竹已滿林滋蘭欲盈畹
愛此東牕幽不換金門顯
明月透輕紗高枕便息偃
遙山上紅日四壁晴光暄
庭閒燕雀馴境靜輪蹄遠
春風和且柔芳艸齊如剪
舉世慕登仙金丹期九轉
却恐金丹成蓬萊水清淺
何似牕中人世累漸消
遣瑤琴時一弄尊酒自洗
腆我居枕西岡

有軒亦東展雖勤待旦心夢見周公鮮北望多浮雲南
觀疊層巘嘯傲得此生茲言庶同踐

慎軒為蕭蒙紳賦

開軒面南山山光浮几褥高人時往來幽花晚芬馥雖
餘潤屋資不作守錢俗理學二三編自抄還自讀因思
兩大賢皆云慎其獨爰以慎名軒大書常在目從知一
念微終若秋陽暴毫髮分公私天淵異榮辱兢兢如捧
盈洞洞如執玉敢萌機變心況舉橫行足芳譽藹當年

清風振喬木允副交游期亦萃家庭福柱史明知人其
言固可覆何時一樽酒為予歌淇澳

次韻同年鄭憲長舟行書事

藥裏正關心凝塵滿瑤瑟忽枉故人書頓愈無妄疾長
篇屢沈吟首得防尾失風波固云惡高天自行日那知
洶湧時不有龜龍出吾命乃在天顛頓亦奚恤侃侃開
笑談底柱屹中立雖然西江水未容一日吸顧此濟川
舟何方不可適終風徒爾為行雲靡留迹大哉天壤間

自生還自息此意當誰知
吾目為君拭君吾榜中英
常情詎能測激揚肅官箴
鑽仰希聖域變化陰且陽
居然守無極應悲行險徒
終年長戚戚

輓興化陸子賢舉人

平生春秋學字字經推尋
躍如果何物昭哉素王心
興賢詔屢下叢棘圍冠襟
文章豈不美誰辨沙中金
俛首克歲賦遠韻無悲吟
瑤京日華紫壁水春流深
仰止瓊臺翁一旦逢知音
驂騑鳴向樂萬馬立皆瘖
價增終有

合天定詎難謔光華京兆榜魁名動儒林庶幾日千里
如何中陸沈淒涼淮海畔風物莽蕭森浮生孰為久大
節人所欽庭闈懷婉婉襟度想悵悵遺勞析薪在負荷
諸孤任顯揚會有日鼎薦宜居歆旻天多雨露楸梧鬱
繁陰懷賢良自苦悵望空遙岑

豐生坊初冠

皎皎珊瑚枝凝輝玉堂祀一見已知奇再見益堪喜少
小攻文章明牕無虛晷茲辰突而弁居然異童子古禮

不多存存者何常已三加威儀備所重成人爾成人必
有德忠信以為址簣簣靡停功我我見崇峙家聲四百
年鵬程九萬里尋常得失間何足掛唇齒昔賢懷一飯
况乃言之旨祝子非他人甌濱天下士

悼亡女

東風射牕急牕紙撼撼鳴疇昔牕中居一去不聞聲展
轉夜過半攬衣步前楹寧知治縷夕正此月華明耳目
不堪觸更堪憶平生十年一夢短傷哉父子情周身舊

裙布猶如新製成奈何修潔姿大命偏早傾花綴故枝
紅草回隔年青婉孌無復見痛恨何時平

古軒為程處士賦

末世爭外驚彌巧彌喪真孰知深山中乃有葛天民含
淳而抱璞沈晦以自珍奉身一裘葛養母兼鼎茵連枝
無異爨比屋有分囷百金能一擲趨義勇過人高亭既
還舊小軒亦開新山凝太古色水泛桃花春紅塵何由
到鷗鳥長相親春秋鄉飲酒雍容見嘉賓

彭郡博先生蒲萄為王斯遠冬官題

二首

彭師樗散日余及升其堂堂前蒲萄架架下筆滿牀乘
興一揮灑枝葉互低昂明珠來照眼宛若中心藏誰能
寶此幅瀟灑冬官郎

馬乳西北來分甘到吳越畫圖不根着妙在三兩折修
蔓引清風遠影含初月彷彿驪龍騰頤下光明滅釀酒
縱盈缸涼州吾不屑

送少宗伯楊先生考滿赴京

堂堂建安公四朝藹嘉績公姓何振振振振豈天錫淵
源良有開才華況無敵一舉凌天衢未脫劬書癖藻鑒
清秋懸金牛片時折幾微慎周防中外屢駁厯留都禮
樂存遺文賴參繹聲色初不煩神人乃胥懌茲當述職
期涼風滿襟掖離亭一杯酒永懷自今夕臺省須仁賢
如聞有虛席文旆倘重來慰我長親炙

守拙為丹陽賀環賦

饑餐高原粟渴飲下泉水菽粟水火如時時散鄰里公

家別有輸為義良亦偉我我烏紗帽見者胥仰止三徑
以藏身一經以教子有子復何憂萬事渠能理游心濂
溪賦真可沒吾齒袖手公輸傍無由血吾指名途多疾
足利路罕徐軌獨倚一株看勞勞竟誰使

九日陪吳白樓陳葦川王陽明汪雙溪登蔣山
得依字

佳辰不可負文會何當稀聊攜一壺酒相與登翠微園
陵鬱佳氣古廟豁重扉陰雲坐來斂草露亦已晞游目

極千里涼風正吹衣翩翩南來鴈遠避風霜威南土人
尚餒何由爾皆肥長林移晚席澄湖凝夕暉同為醉鄉
客各詠新篇歸天運靡留處人事多乖違真樂在三盃
所願長相依

封淑人卞氏輓章

樛木陰正繁采蘋人已遠空餘桃李花不辨春深淺憶
昔菟裘成君子懸輿返久勞欣共逸相對日三飯雜佩
出房清朱絃送聲緩每憐尊酒深未覺年華晚兒女情

所鍾垂老尤繾綣死喪忽相繼肝腸成寸斷一疾遂不
支百年何曾滿皓首失同心老淚盈雙眼翩翩丹旆揚
望望牛眠坂慘淡悲風生淒涼蒿里輓玄堂閼周翼貞
石蟠秦篆冠帔不俱藏春秋時一展

貞母詠

朝讀貞母傳夕吟貞母詩母壽今八旬芳名千載垂昔
歸君子室心德兩相宜執手奉承說黃髮以為期烹鳧
酌美酒從容理朱絲清音正盈耳桃華猶滿枝溘乘埃

風去棄我真若遺哀來無晝夜晝哭聲轉悲逝將從君
往重結深長思有身嗟未判辛苦安得辭繼體心所切
懸弧事竟奇深閨寒復暑長養實勤斯聰明自天錫教
誨亦不遲居然富文學下筆驚主司名題黃金榜班簞
白玉墀爵位既頻陟恩封遂屢貤尊榮傾邑里光彩煥
門楣盛德固有報始望那及茲彼哉鬚眉具長佩紛陸
離當幾靡定力王業何由熙人間有貞母豈得無男兒
貞母宜萬壽非獨閨門師

持節瞻雲圖為符臺劉克柔賦

馬首太行北孤雲渺江東忡忡劉子心炯炯如狄公大
江日夜流雲舒還復卷王事有程期遊子安得返何時
拜家慶春酒碧於油坐令回首處變作綵雲浮歸裝不
自由圖畫先春就稽首附征鴻封君千萬壽

悼內四首

牆頭桃李花牆下多芳草忽忽又逢春春光空復好食
案頓蕭條塵衣日顛倒嗟我同心人云胡不偕老

其二

春深風已和入戶但淒淒逝水無復返德音終不迷去
年雙飛燕又入梁間棲我心非金石能不增慘悽

其三

五十不為天勤勞嗟未償我官已臺省君猶布衣裳平
生薄自奉所願名節芳相我僅三紀苟得非所臧百年
庶無悔庶幾同樂康俯仰忽不見此恨何時忘

其四

養老非無人，鸞刀手親把。教子亦有師，辭色無少假。吾父壽而康，惜爾得年寡。吾兒儻能立，庶以慰泉下。

次兒珣祇投赴京作五言古詩一篇送之以致

丁寧告戒之意

嚴親頃辭世，仰蒙恩典優。榮光懸日月，感激無時休。寸忱思亟展，祇謝當龍樓。奈此多病撓，彌增曠禮憂。服勞吾兒事，欣然買扁舟。束裝戒明發，春江正瀏瀏。勇往誠足慰，離緒紛難收。夜堂明燭短，教戒胡能周。呼童展長

卷為汝書紳謀直詞無潤色情致加綢繆敬身第一義
三益資交游亦既辨菽麥寧當昧薰蕕出門路如砥非
義將安由茶肆與酒市一跡不可投神明扶正直人道
惡輕浮叅倚必有見洪閭皆安流薰風御堤柳鶯聲滿
皇州金門僂偃入進止宜詳諏故人多臺省往見亦奚
求所貴親德範庶或聆嘉猷旬浹事當竟有闕勤增修
白雲試回首歸興誰能留蓬牕多暇日還肯惜之不知
新在溫故中朔外乃彪阿蒙三日別議論驚同儔茲行

將驗汝刮目期清秋

季弟允恕家居十有五年幾若與世相忘者茲再被召命長銀臺無復可辭之意於其行也

賦得五言古詩一篇送之

山林閬人跡抱此幽獨姿幸有同氣良出入相攜持春風花下酌秋嘯雲間標論文或竟夕次第分醇疵外物復何有真樂良在茲悠然天壤間百歲以為期今也志尤偉閒居亦孜孜積書早克棟博覽仍精思上下數千

載厯厯如見之庶幾經濟業豈曰華藻為憶昔嘗在服
頗受先皇知金門敷奏下退食每委蛇歸省得寬告養
疴竟棲遲手栽西墅梅結實已纍纍大來新萬象求舊
靡遐遺珪璋敢自儼特達蒙恩私趨命理宜急圖報今
其時畫船雙桂棹宛在澄江湄君當別我去我老將安
資相送不能遠夢寐還相追微霜清遠驛到處堪題詩
殷勤寄魚鴈以慰長渴飢

同諸士大夫議鄉約于龍福寺約成賦詩分韻

得君字

禪局豁清晝深虛隔塵氛雨餘山翠入林靜鳥聲聞嘉
賓何濟濟跋涉良已勤非貪涅槃趣思整時俗焚此意

誠懇懇誰謂徒云云坐中三大耋

郭東山八十三尹南山八十二曾石壁八

一笑語芝蘭薰羣英亦駢列意氣凌青雲道同聲自應

彼此曾何分揮毫已具革命酌還論文長年懷契濶茲
會餘清芬清芬諒無已即事期收勲庶幾萬分一持以
報吾君

七言古詩

送張黃門經載使雲貴

崢嶸雙闕中霄起諫垣近在紅雲裏元氣潛隨北斗移
龍司出內虞廷理地分清切須英豪遐想虞廷夢亦勞
簪纓於我誠何有却恐言高位不高同年磊落張經載
封事頻投心欲億弘恭惻目憚更生潞公斂衽欽唐介
世道明須我輩扶當機緣底太模糊輕裘駿馬長安道
合有人間大丈夫如君夙夜宜青瑣春風忽泛湖南舸

黠薄淮陽計不疎
褒求金馬謀全左也知今日重安邊
邊務惟應足食先要令萬竈貔貅飽
須杜千倉雀鼠穿
青袍拂曙辭金殿
出門步步頻留戀
已料先聲動五溪
即看行色搖芳甸
日暖官河柳絮飛
清尊欲盡思依依
往來萬里多聞見
奏草能令在外稀

味梅為無錫錢世節題

寒風吹開白玉瓣
暖風吹出黃金彈
入羹味美萬口知
伊誰得味初花時
錫山居士腴能搞
前身莫是西湖老

已愛撐簷獨樹奇，還欣照水斜枝好。歲歲花開雪滿天，
美人綽約當瓊筵。仙姿共出塵埃表，素質相忘太古前。
此中真味人稀會，花間不惜朝朝醉。劉毅空稱一代豪，
等閒鵝炙為心累。

慶楊光祿尊君太守公八十壽

隨車兩足懸車早，閒中閱世渾難老。見說人歌召伯棠，
還聞食有安期棗。瑞星一點弧南明，高堂簫鼓慶長生。
歲律又更新，甲子神仙何必定。蓬瀛黃梅雨歇薰風度，

綠槐陰裏華筵鋪珍饌兼炮玉面狸角觥滿挹金莖露
燕子飛飛清晝長沈煙靄靄笑談香座擁賓朋盡沾醉
舞迴綵繡紛成行二郎久曳朝天履承恩暫許供滌瀝
百年盛福陳省華一代清名楊伯起心事優優身轉輕
世間寵辱那能驚未嫌白髮三千丈應看黃河幾度清

送少司徒鄭公進尚書致仕還閩分韻得水字

早年獻策明天子筆底珠璣爛盈紙便隨羣彥集瀛洲
還以三長叅國史綵鳳聊依垣竹鳴白駒不為場苗止

坐慙薄技奉周旋歸把遺經究終始
爰牖前頭翠色多
棹歌聲外清流駛李渤方懷少室居
謝安又向東山起
三秋憲節凜冰霜六館春風散桃李
已覺憂勤髮漸疎
未論冷熱官頻徙分務功高計省堂
賜歸恩重尚書履
出處孤蹤自不羣卷舒妙道誰能揆
巢父真成一段奇
仲翁寧擅西都美請看龍江出祖時
送行車馬如流水
梧岡三瑞圖為曾主善姑夫題

三鳳來何處飛止梧岡樹岡上梧桐幾
百年老枝新葉

含春烟烟消日出天萬里三鳳和鳴清俗耳虞廷文彩
何爛然岐山遺響傳周史靈物由來瑞太平絕似曾家
三弟兄亞卿邁種臯陶德兩教都傳伏氏經就中國教
才尤敏七步成章思無窘百鳥喧啾徒爾為豈知靈物
殊凡蠢梧桐依舊凌霄高枝上來來多鳳毛養成羽翮
拚飛去隨時隱見疇能嘲

望廬山

千里廬山一片石元氣為根倚天立月色宵澄白鹿寒

露華曉霽香爐濕左瞰長江右枕湖近分衆皺遠模糊
未容絕頂通人跡長向晴空展畫圖誰能共我尋瑤艸
幽泉怪石窮探討儻遇仙翁跨鶴來長生秘訣應傾倒
凡骨支離無奈何徒勞翹首望嵯峨此行儻遂區區志
須借蒼崖百丈磨

學古樓歌

屈指今年四十五一事無成心獨苦北斗那得挹酒漿
東風正好親農圃家住西岡地頗幽門前屋後多平疇

一溪流水去無路四面青山來入樓樓名學古浪標榜
古人實學今誰講旦旦趨庭奉起居時時靜坐聊存養
此心存久還自靈中和無物如有形幾微極處通天地
呼吸之間具典刑平生謾抱區區志途長力薄愁難致
荏苒如今作棄材悠悠宇宙非吾事學成假使遂行之
要見黎民飽暖時可能學古樓中坐妻子啼號付不知
以茲農圃端須學黃牯價平添一脚且種山田且讀書
菜羹滿釜渾家樂

梅鶴舊圖敬賦長歌為大人封君萬壽之獻

羅浮山畔娟娟月照見寒梅一株發老鶴長年此託棲
氣骨風神兩超越生綃半幅誰寫真兒今把玩偏能頻
眼前猶自有奇物天下豈得無仙人仙人道吾翁是
未論服食論標致清白孤高壽且康祇應梅鶴差堪譬
久大堂中春酒深醉醒坡夢與逋吟直將甲子循環數
那許塵埃半點侵此去羅浮幾千里望望白雲猶尺咫
浮暗之香喜達天鳴陰之和慚為子茲圖絕宜張壽筵

拜授使者籤軸全宜美三寶憑長養南飛一曲永流傳
芙蓉書舍為大司成甌濱先生賦

甌濱先生讀書處先秋曾見芙蓉花時來早作青雲客
舊遊回首天之涯天之涯海之角書舍新成制純樸扁
揭芙蓉貴有徵芙蓉幾度開還落歲歲開花直待秋紅
霞百丈媚寒流向來底事開偏早王氣呈祥不自由鄉
闈一舉膺高薦臚傳及第人人羨花有知無未可知至
今盛事傳鄉縣先生自是讀書人微言次第歸經綸功

成合有還鄉日好持杯酒
醉花神花神得酒應增王書
香繼繼誰能量但遇先秋一
朶開門前準備車千輛

為楊顯祖題畫送尹別駕實大之嘉興

澄江夜來秋水生畫船擊鼓
喧朝晴百壺欲盡千峰午
壯懷秋色兩崢嶸相門舊壓
逢原里至今書屋臨江水
千載香名滿縉紳讀書有用
真龍子歸來徧掃松楸陰
飯嘗新稻羹香簞故園風物
豈不美簡書王事悲人心
故人自昔深相慕別意殷勤
托毫素楚水吳山路幾千

渚蘋岸蓼花無數東南名郡數嘉禾城郭光涵震澤波
官好常陪五馬貴政通應得萬人和浮雲富貴終何有
汗簡功名渾不朽贈之千金謾一言論心何日重攜手

楊氏姊七十壽歌

春來無處無芳草何處春光應更好喬木啼鶯日正暄
華堂戲綵人難老早向深閨足苦心蠶繅布縷又金針
夭桃已協周南咏慈竹仍涵晚歲陰澗蘋采得還親芼
天岡幾為思親到長子提孫孝不衰壽康宜獲天之報

即今七袞顏猶童香風坐滿芝蘭叢白頭老弟逢生日
長歌徑過東山東五人同產三人在誰能不念平生愛
有分歡娛合共追無情歲月從渠邁舊路重尋了不差
入門絃管競嘔啞殷勤一酌長生酒看取蟠桃幾度花

晴山搽書舍為廖太守賦

蔣生徑裏足清陰陶翁籬落皆黃金晴山先生書滿屋
亦有花竹清人心棟雲飛盡日杲杲玉華栽我插晴昊
境靜應無俗客來詩成自把芳樽倒有時尋壑復經丘

歷歷平生舊釣遊春風高樹啼黃鳥秋水方塘泛白鷗
真樂由來無內外觀物揅書兩無礙說向傍人會者稀
高談空自超三界

五言律詩

次峽江庚戌春赴南雍省侍秋半乃還頗有賦
詠而亡其稿追憶僅得此下十章

眼界俄開闊悠然獨倚蓬暝烟藏遠樹殘照掠孤峰合
市人初散隣船話不同兩年頻過此碌碌愧英雄

相傳此地

舊有周
瑜廟

過白沙

過盡白沙洲千峰躍未休
青餘原上麥紅失驛中樓
客子程途遠長江日夜流
不緣君父重奔走亦何求

過市汊

人家依岸淺驛岸俯江斜
密雨遮龍霧

洲名

奔流走象牙

潭名金陵何處是白下望中賒
明到南昌郡徐亭掃落花

過吳城

舟過吳城驛蒼茫暮景斜古祠淹日月生計半魚茶碧
草眠黃犢青山印白沙風光長似此何處不為家

望小孤

小酌初成醉扁舟已出湖乾坤雙眼闊江漢一峰孤龍
窟深通海茅封半屬吳北流平似砥無復向時虞

過李陽河

圍棋決勝苦回首李陽河一鳥過江沒片雲遮日多荻
苗風裏淨漁艇浪中俄囊橐今垂罄蹉跎可奈何

過清溪

山水池州好風波客子愁
可憐趙昴發深愧宋齊丘
忠義名長在姦諛死即休
致君時未晚弔古淚還流

過蕪湖

佳麗蕪湖縣千年拱帝京
樹連淮浦碧江逐海潮平
天地容疎拙風波托死生
不將詩句覓對景若為情

次烏江

慷慨虞歌闕崢嶸漢業成
烏江元入海亭長謾多情
義

帝今安在韓生已就烹拔山如可恃無處着天明

回途過大孤

萬頃秋波裏擎天一柱孤仙姬不可見元氣自相扶往
返隨陽鳥平安憶鯉魚顧瞻江漢水極目倍躊躇

送許儀賓還南昌

野色開晴望榴花照別筵交情詩卷裏帆影暮雲邊天
錫恩波闊人誇戚里賢論文殊草草分手思茫然

何孝子廬墓聞而有作

風雨青山夜苦寒
病骨臞精誠驅魍魎
嚴衛伏於菟
報德心何極
旌門詔有孚
孝經餘斷簡
長此奉訏謨

輓封君秦先生同年國聲之父

志節居貧見聲光
與世延青衿
原有造玉樹
晚爭妍已拜雙龍
勅何須二頃田
向來勤仰止
聞訃重淒然

其二

遠業開庭訓
新封領戶曹
養分天祿厚
吟對碧山高
晨省歡初洽
仙遊事總拋
楸梧深馬鬣
風雨暮蕭騷

次韻答余宗周侍御余時按治遼東

驄馬遼陽路霜清草樹稀直知臨事勇端慰遠人依過

客傳新藁行年損昔非夜堂孤酌處南極正騰輝

余生之日

夜獨酌於察院中因賦詩見寄

拙宦終何補深知轉覺稀來書仍款款離思重依依虎豹精神別蟲魚事業非何時燒短燭杯酒共清輝

哭同年張經載黃門

高步驅流俗我冠領爭臣物情端有望天道詎無親筆

絕中宵草山頽百歲身魂遊何處在華月滿楓宸
朔風吹訃至寒夜不成眠邦國斯人淚烟波寡婦船故
山春寂寂丹旄晚翩翩自古誰無死脂韋浪百年

戊辰五月西歸寫懷寄會中諸君子

竊祿渾無補歸耕似有名海鷗迎客下風葦冒江平道
在貧堪老身閑夢亦清金陵千載地回首獨含情

其二

五月還鄉客飄然一布衣耕耘真子職消息是天機江

水兼潮漲風帆帶雨飛心知蓬島近自合寄書稀

舟中偶作次韻

江立風前水山眠雨後霞舊堤浮半柳新市聚圓沙去
國蛇添足防身弩失牙月華今夕減愁聽隔船笳

賦玉泉

境勝陰陽會泉甘草樹芳清池凝玉液翠壁瀉虹光澤
潤京師闊流交渤海長山前亭子在遊豫憶宣皇

送張虞咨都事考績赴京兼過華亭省墓

黃鳥正嚶鳴垂楊拂曙晴
幕間都督府舟發石頭城
宦業孚臺論離筵悵友生
向來觀國眼今去轉分明

其二

莊簡編年就叅軍奏績時
學因庭訓篤忠自孝思
移雨露心兼悚風塵髮未
絲不妨聞鶴唳休遣滯行
期

送李司徒致仕

春城車馬動相送滿江干
風定塵猶起潮平酒未開
急流推勇退當局羨旁觀
珍重尚書履惟應踏翠巒

其二

溫詔從天下辭榮也自榮進曾居要地退始見平生霄
漢冥鴻遠河山畫錦明遙知行樂處詩比沁源清

送茆大卿致仕還漂水

往日湖西道風霜我最知才高終作士髮短欲成絲優
老恩偏重還山路轉夷不妨琴鶴外添取送行詩

其二

徑竹蕭蕭在歸來茆正花青山迎畫錦醇酒送年華閒

散漁樵狎尊榮
邑里誇尺書時
往復相去未為
遐

次韻奉答守菴叔父

清酒嘉禾別黃
花兩度秋喜聞
心轉逸羞與俗
同流步
穩風生袂詩成
月滿樓竹林無
限好強半夢中
遊

送劉司寇致仕還蘇州

今日姑蘇郡耆
英似洛中公為
劉伯壽誰儼席
君從白
首功名遂黃麻
禮數崇樊籠真
自取能不羨冥
鴻

送大理胡伯珩遷少卿北上

酒尊深幾許離思浩紛紛城日遲烘柳江風暖送雲近
郊行色盡雙闕曙光分想見臯陶作嘉謨一正君

送徐監生亘歸臨川

遊子促歸裝官橋柳乍黃姓名銓部籍蒲笋故人觴風
正雙帆駛天高一劍長家庭多暇日舊學好商量

次韻答周德亨員外

並泛長河遠同朝紫禁尊語傳晨纜解談欵夜燈存柳
幄籠村店湍雷殷閨門陟明堪豫賀公道謝攀援

其二

父書曾徧讀師道詎能尊竊祿年華遠趨朝職分存一
函終盛禮五柳憶閒門相彼溝中瘠須煩健者援

示允迪允恕二弟

再疊
三疊

非引勿登樓

樓居嫌閒雜人來往以此五字榜
于梯邊二弟以避嫌遂少見過也

樓高近

斗牛俗人那得溷同氣合相求至樂存書卷餘歡付酒
甌此心渾不妄溪上有羣鷗

其二

非引勿登樓襟裾或馬牛百年清自足千古靜堪求風
動青紗帳茶香白玉甌憑高時一望春水正浮鷗

其三

非引勿登樓遙青愛石牛靜觀渾有得高坐更無求日
暖琴三弄霜嚴酒一甌只愁江海上無處着眠鷗

同允恕弟遊金魚別業次韵

夜榻幾論心村庄更一臨作樓偏得景栽竹漸成陰帆
駛風初正尊殘日未沈坐聞哦五字憂思覺同深

其二

猶存樂水心軒檻喜平臨高樹鳴天籟輕雲結午陰地
偏幽事足江迴遠書沉疎拙終何補滄洲興轉深

大司馬彭幸菴先生賀席上作

銀燭然初夜寒鴉徙別枝衣冠成雅會肝膽託新知把
盞欣逢聖哦詩聽出奇潞公今再起不似洛中時

送賈南塢先生奉使安陸恭題興獻帝神主

宮錦製袍新承恩出紫宸暫成千里別聊勸一杯醇霧

廓淮山曉花明郢樹春想當揮筆處光彩動神人

大司寇林見素先生朝見之日余適出京承見
示謁武夷精舍宿武夷自壽詩凡四首依韵

奉答

高人何適莫消息與時行岫暖雲還出溪春水自生棹
歌經夕遠驛路到燕平無忝師門處心如九曲清

其二

巖岬矜險絕筋力副攀緣自作從龍起難忘枕石眠道

南尊嫡派經古惜殘篇想見賡歌處薰風滿舜絃

其三

愁極逢興運根深有大年曉峰精舍上春水壽觴前穩
曳尚書履光陪閭苑仙功名卑馬援矍鑠自堪憐

其四

一酌金陵酒分飛二十年誰教宮漏底相見燭光前海
宇公宜壽塵埃我未仙春明回首隔猶荷故人憐

金陵官舍四首次郭价夫司業韵

官舍余所
創建也

十載經營處能忘別後情棟梁天與立竹樹手栽成再到逢賢主相看是老生要知人地稱詩句已全清

其二

師席高南斗西齋類隱居牕虛蕉旋展庭淨草新除廟鼓時驚夢山雲每潤書此中多樂事誰擬問朝車

其三

賸有論文樂兼存玩物娛萬形皆至理一貫乃真儒習習傳天籟亭亭聳德隅歲寒吾與汝那肯向炎趨

此咏舊所

栽檜

其四


壁水傳新製瀛洲又一時為憐居第好須遣故人知細
竹連深巷疎花映短籬便應攜酒去醉倒亦吾宜

贈鄉舊張克謀

三十年來往鄉情久更親家和渾是福屋潤豈為貧每
愛清尊滿何妨白髮新出門時矯首鍾阜正嶙峋

毅軒弟六十不受賀以小詩致意

憲府歸來早林居十五秋心誠辭寵利疏果動宸旒深
戶涼初入前山翠欲流壽觴宜數舉花甲况榮周



整菴存稿卷十六

欽定四庫全書

集部

整菴存稿卷十七

詳校官監察御史_臣龔駿

中書_臣劉源溥覆勘

總校官庶吉士_臣倉聖脉

校對官中書_臣王鍾泰

謄錄貢生_臣趙希濬

欽定四庫全書

整庵存稿卷十七

明 羅欽順 撰

五言排律

七首

七言律詩

八十首

送林太宰入朝

宿德登三事留都領百寮
勲庸隨日盛華袞及春朝
每憶天威近寧辭驛路遙
祖筵移白晝文旆倚丹青
江暖魚龍躍風微燕雀嬌
碧雲淮浦樹明月廣陵橋
物色添詩稿民風聽里謠
由來水作鑒到處斗橫杓
信有安危

責能忘燥濕調漢庭推丙吉唐室重房喬宰府應重入
皇綱助聿昭拔茅如有象疎拙分漁樵

送邵憲副提學江西得冰字

有美儒林秀無慚國士稱文章明藻火意氣俯丘陵山
霧曾藏豹天風忽徙鵬勅從中秘出官就外臺陞正學
推胡瑗諸儒慕李膺獨持風采峻會觀譽髦興雨共芳
尊歇雲兼別思凝炎威方煊煊珍重玉壺冰

壽封君吳先生號味菜

人物三吳舊家聲百代延風流思季札文采見通玄種
德高槐在鳴陰老鶴便菜根新得味春酒正開筵屋照
晴川潤花迎綵服鮮冰壺行玉果銀甲響鶻絃蓬島雲
霞接南山紫翠連舉觴公自樂分席我無緣壽域知優
入官封看屢遷正當難老日還值太平年磊落欽高躅
殷勤寄短篇莫論初甲子從此更三千

送鄭司徒致仕還閩

了却公家事真成畫錦還風雲清夢斷天地此身閑人

在義皇上恩深李孟間長籌寧復浼逸駕未容攀遠驛
通嚴傳新杉繞故關海鷗應漸狎徑竹擬重刪敢告離
觴盡休辭酒量慳可能分手後猶得會蓬山

大人生日奉壽

壽酒年年旨今年旨且多三郎初在侍雙鬢幾曾皤庭
隘回波舞林低擎壤歌乾坤真廣大風景更清和水活
秧堪脫山明雨乍過曉鶯啼綠樹梁燕乳新窠每每人
同樂來來吉有他獨憐西望眼無奈白雲何

仲弟允迪叅議進表還取道歸省江東酌別詩

以送之

公事粗能了私情自合通暫迂千里道偏得一帆風過
我冬纔半趨庭日正中金緋堂上下桑梓屋西東壽酒
先春熟華燈徹夜紅鶴鳴欣子和壘起聽簾終燕賀逢
迎數牛眠灑掃恭朱紵還雅調玉樹愜深衷龍福三生
石玉山百丈峰轍因乘興遠詩為索題工溪鳥羣相狎
巖花漫作叢舊遊人漸減新好趣應同鄉井雖云樂官

金匱要略卷十七
資亦頗崇吾翁如月眼貪看及民功

仲弟年滿五十且新居落成詩以慶之

新構連雲起華筵匝地開晴光鮮戶牖秋色淨樽罍
藹藹衣冠集紛紛燕雀來芝蘭隨日長弟祿自天培
知命希宣父娛親學老萊遠山明有望深徑寂無媒
碁響林花落詩成鶴夢回鉤簾通野氣閉閣理書堆
琬琰宗家乘絲綸寶聖裁百年方半歷衆美似兼該
晚漱泉飛玉朝餐菜截臺私懷真自愜王命恐相催
筋力吾衰矣猷猷

為予壯哉幸逢更化日應展濟川才壽儼岡陵竝名期
竹帛陪短童慚善禱為報謝瓊瑰

七言律詩

劉仁仲修撰歸省壽其祖母

龍衮昭垂萬景春從班多暇夢歸頻非關故國青山好
為憶重闈白髮新畫舫寒光迎灩澦壽筵晴色散峨岷
何由洞挹巴江水淨洗金壘侑幾巡

送襄陽郭太守廷章兩考還任

峴山深刻照乾坤善政千年擬竝論
魚藻載歌榮晝接
虎符重剖慰思存
風前旌旆河南路
雨後桑麻漢上村
送別祇今何必遠
佇看玄髮入都門

持節東魯為周希源冬官賦

展親共喜天書下
持節遙看水部東
麟角新聲諧律呂
馬頭晴色見龜蒙
心馳闕里春風動
醺錫靈光禮數隆
周度想應河患急
早攄籌策贊司空

送尹如川副郎奉使靖江

星郎蹤跡半天涯
今日槎頭却到家
萬里風雲隨絳節
九原香火拜黃麻
板輿曲盡人間樂
晝錦從教里閨誇
想得盞簪重對酒
東風開徧上林花

妹夫蕭時肅與其兄時堅攜酒邀余晚遊休笑

菴

纔到城來便覺忙
共尋芳草趁斜陽
高謳潭淨遙山合
休笑菴深翠竹涼
掃地開筵情轉洽
倚風懷古興偏長
斯文此會應難得
後夜相思月滿梁

陳秉衡劉闕

二侍御餞余西江第一樓

酒酣乘興却登樓千里湖山豁醉眸
風挾霜威侵骨冷梅將春意與心謀
繡衣愛客成佳會彩筆題詩紀勝遊
後夜孤舟明月裏顧瞻南斗思悠悠

送義興耕隱徐公還鄉

先生歸向毘陵去木落天高正及秋
萬里長風吹潞水一船明月過揚州
大家文獻風流在暮景林泉福履優
籬下黃花應有待壽筵深泛紫金甌

送胡長史之建昌

親主開國綏南土賢傳承恩出禁闈鳳輦龍旂煩扈從
緋袍金帶有光輝當杯莫惜離筵醉此別應知後會稀
路入官湖詩景好落霞孤鶩看齊飛

分題王司副天申沙溪八景得太守仙風南阡

耕樂

二首止
存其一

太守遺踪半綠苔廟門猶倚碧山開競傳梅福登仙去
恐向桃源避世來棲鶴長松無鳥宿鎖蛟深穴有人猜

何當載酒窮幽討杖屨應須約我陪

送封君劉先生歸陳留

侍講司直之父
先任南雍博士

清朝父子才名重上國衣冠樂事多
優老舊承天子詔
考槃還賦碩人邁
白雲有待開三徑
明月相隨過九河
物外高懷誰共賞
塵途回首一長歌

送吳翰之任北勝州

劉仁仲先生之友

大夫官重清時選
薦沐天恩夙志伸
辭闕乍窺丹鳳曉
下車初見碧鷄春
治如延壽終移俗
政比陽城却近仁

最是交親憐遠別便鴻無惜附書頻

送同寅劉可大先生南還

十年甲第尚青袍宦業多因養母拋朝退不辭趨館數
夢回還念倚門勞燕山曉送雲邊騎嶺水秋移月下舫
一日三公真不換相看吾已愧吾曹

送熊掌教之任無極

徐舜和先生為求
徐其所取士也

馬度河橋柳正黃青山千里護行裝道尊豈論功名薄
縣古曾聞士習良高座橫經朝伐鼓小齋哦句夜焚香

碧桃天上花如錦
會有人傳種樹方

送萬典簿之衡州

久客京華鬢未霜
又攜書劍赴衡陽
黃金臺下人千里
青草湖邊鴈幾行
大國樞機關簿領
小齋風月託壺觴
知君更有登臨費
七十二峯秋興長

送學士李石城先生詣闕里祭告

回祿後

銜命專車駕四騏
雄藩冠蓋遠追隨
暫停秘閣裁書筆
細講虞庠釋奠儀
泗水秋風千古意
東山明月幾篇詩

眼前不用論興廢天地無窮祀典垂

送李壽夫司訓之繁昌

秋日河橋楊柳疎幾人攜酒送征車官清最喜逢迎少
俸薄寧論服食餘紅燭夜傳齋內火青山朝對案頭書
嚴君會有東遊興入饌偏多白白魚

送羅宗溫太守之思南

別駕翱翔絕後塵功成俄領郡符新從知簡拔遭明主
想見敷施慰遠人錦樹秋風催畫舫青山春雨映朱輪

三分公事詩兼酒莫惜篇章附鴈頻

送朱克諧謁告還進賢

故園桑梓客邊心
看徧春花思不禁
得告暫容親藥裏
承恩終擬盍朝簪
如雲雙鬢功名在
向日孤帆驛路深
莫道行囊無一物
王言何止重千金

送王慎簡乃郎還安成

一見能令雙眼明
謝庭蘭玉不勝清
二南詩熟聞來日
五采衣懸別後情
檣上萬鴉淮浦樹
江頭百雉豫章城

經過數寄平安字莫遣高堂白髮生

送劉文煥副提學福建

十年聲價重朝紳三世衣冠一味貧
明陟乍辭丹鳳闕
晝遊先慰白頭親
豺狼道路風霜舊
桃李門牆雨露新
未覺離筵懷抱惡
士風從此定還淳

送羅宗器還任閩藩

東林見月幾虧盈
布被藤牀客夢清
最績過煩徵覆考
宗器以無按察司考語吏部
行查是以久住報至乃得歸
新詩長得入優評
便民方

畧仍騰疏入幕風流獨擅名來鶴亭前春色早錦袍歸

映百花明

亭乃宗器建以
為退息之所

九日同彭景武春官徐舜和汪抑之器之三太

史白雲觀登高

人情都愛重陽好塵世難逢笑口開與子丁寧深載酒
及身强健數登臺千山落木嵐光老萬井寒烟暮色催
上馬頽然烏帽側風流無讓習池回

送羅子文任興化推官

離觴欲罷更吟詩正是詩人別我時雲布曉陰天漠漠
柳含春意日遲遲親闈視膳江魚美官舍開筵海錯宜
珍重案頭三尺法功名何止百年期

送李都閫赴江西

將軍赴鎮馬如龍寶劍飛霜膽氣雄第一才名光武舉
儘多能事振家風西山曉色旌幢外南浦秋聲鼓角中
翹首雲臺高萬丈會將歌舞笑兒童

送蕭順之宰古田

交情千載渾如昨
文雅風流繼昔賢
製錦祇今須妙手
夢刀他日看喬遷
仙舟汎汎投前浦
啼鳥依依戀別筵
勤學一生知底用
姓名留取汗青傳

次韻吳克溫先生雪假山

二首

對酒山成大笑號
千金須賞片時勞
解因積雪寧非智
恐碍飛雲不用高
勢壓簷楹張鳳翼
光侵樽俎析牛毛
眼前真假無煩辨
不見桑田變海濤

夢裏山靈向我號
良工無乃用心勞
三峯削出瀛洲近

千里移來太白高，見睨恍疑流石髓。
出雲空擬潤田毛，知君自有悠然處。
幾度長歌酌翠濤。

送趙庭實太守之濟南

入眼風標識貴人，錦袍還似布衣貧。
久含鷄舌趨金馬，暫別龍顏剖玉麟。
千里封疆河濟合，百年勛業鼎彝親。
寒風落盡離亭柳，未阻隨車有脚春。

輓封編修吳公

南夫先生尊甫

憶過吳門趨拜日，秀眉盈寸炯雙瞳。
承恩已帶冰銜貴，

愛客頻催玉蟬空千里書來驕伏枕一朝仙去訝乘風
天平山畔人多少細挹甘泉思不窮

翁於天平山浚井以便往來者故云

送段廷舉掌教之東平

移官又問東原路臨別勿勿不盡觴庠序合興周禮樂
山河猶記漢封疆行邊樹繞雲帆迴坐裏風回泮藻香
師道正省繩祖武冰銜重儼荷恩光

壬戌元宵應制

四首

明德當天厯數歸華夷無處不光輝還將燈火同民樂

未覺觀遊與道違
瑞靄迴浮溫室樹
卿雲濃染侍臣衣
不知夜色深還淺
星近蓬萊頂上稀

千金一刻是元宵
惟有官家樂事饒
烟火熏天呈巧樣
管絃隨處奏新謠
重門月上金鋪暖
四海春回玉燭調
願取滄溟供壽酒
年年今夕奉神堯

九陌香塵徹夜飛
禁中燈火正輝輝
烟雲杳靄魚龍見
樓閣玲瓏錦繡圍
風遞歌聲聞別館
梅交春色上重闈
皇心自做無虞日
畢歲觀遊此外稀

舞態頻更夜未央
漸看華月轉東廊
燭龍天矯天門迴
火樹參差輦路長
一笑獨回春似海
三呼齊祝壽如岡
太平樂事渾難寫
擬續卷阿第二章

試六館諸生喜而有作

夙正衣冠坐講堂
載歌械撲興洋洋
碧梧日上羣英合
丹桂風行六館涼
野馬盪回周禮樂
春蠶繅就漢文章
陶鎔自愧渾無術
校閱寧辭累日忙

送劉循理冬官公差之贛便道過家

官曹暫入身如客省檄專承命自天驛路年華南鴈盡
故園春色小桃鮮功名正屬三場後弩矢寧煩百步先
何處詩懷應更好鬱孤臺上俯晴川

齋居懷京中舊寮友

殘雪凝光竹嘯風齋居那復故人同孤吟入夜才偏澁
遠道逢春夢忽通七日文章慚霧豹百年蹤跡等泥鴻
也應垂念江湖客鳳沿詩來定幾筒

送馬汝礪太守還廬州

尊翁時為南京少宗伯

颿轉濡須鼓急過兒童騎竹滿晴沙纔傾別酒催行色
便有春風管物華雲氣暖通南省樹茶烟清繞使君衙
亦知撫字勞心在留取功名入世家

冰蘖為彭中舍乃尊賦

生來不作封侯夢老去依然赤子心千駟景公身易朽
一瓢顏氏樂堪尋行藏自喜山林遠清苦誰知意味深
欲叩凌陰探樂籠秘方珍重幾南金

奉邀舊翰林諸公草酌次韻

是會有詩太宰林公名曰壁水會詩

烟雨樓臺午氣清
肩輿聯過識高情
座當移處懷初暢
酒到酣時令轉明
樹好故應啼鳥戀
山高還被夕陽旌
風流夢想瀛州舊
壁水新煩訂會名

送陳黃門惇賢送父還鄉

安車穩就金陵養
紫誥新貤近侍封
正喜德星移照遠
忽聞歸興逼秋濃
銀鞍晚衙離亭雨
綵服晨謁別岍鍾
此去亦知寬告在
壽筵無日不從容

次韻呈守菴叔父

平生防意直如城憂患無干老太平
閑對金昆終日歎
醉看玉樹幾枝橫
養魚水縮還親導
採藥山深慣獨行
誰道古人今不及
鹿門風景正分明

送鄭司徒致仕還鄉

老至飄然謝寵榮
詔書優進地官卿
從知去國心猶赤
見說還山夢已清
驛路暫依紅樹宿
海邦重訂白鷗盟
維駒不盡今朝意
仰斗徒懸後夜情

和鄭司徒留別韻

別酒初醒月滿江暫憑方舫作吟牕殘碁懶用機心著
神鼎那無膂力扛路出五湖人去獨風清三徑鶴來雙
閒中著述能多辦消得羣儒北面降

送邵憲副提學江西

雨霽官河柳乍晞仙舟乘漲去如飛諸生學問存章句
夫子心胸有範圍白鹿洞前雲漠漠聘君亭下草菲菲
從來古意知多少此日臨登願不違

中秋夜看月有作

月滿高樓猶未知今朝那合上樓遲不須達曙殷勤望
且試停杯一問之三五何能長潔白尋常還是幾盈虧
樂同年少心偏遠徧倚欄干有所思

十六夜

長空萬里淨無雲月色今宵滿十分清賞偶因嚴戒輟

時老父以目眇止酒

遠書頻遣吉聲聞

時連得二弟書知允迪再被薦允恕亦平安

山

連北斗疑增峻風入南樓覺尚薰辨得此心如此景人
間何事漫紛紛

奉和大人送行韻上呈 二首

可人秋月滿樓光明發誰教促去裝清夢尚隨靈壽杖
兼金難覓返魂香前周後魯知何日北斗南箕各一方
惟有訓辭長在目要省千里作尋常

奉來庭訓日周旋宦業無成浪有年愛日自緣心事切
辭官非為里居便陶鈞妙手寧須我螻蟻微忱莫動天
離思更將秋色遠晚江孤鴈落霞前

又用韻奉廣大人之意 二首

慣依黃髮歟年光肯為浮名浪趨裝竹色不隨寒暑變
花枝長伴笑談香家傳宦譜非今日道濟時艱有大方
烏鳥私情憐未遂諸孫歌舞亦能常

兩京仍護彩舟還色養關心幸有年三徑舊開風月滿
深衣新製起居便謳吟體傳唐家律寤寐心懸杞國天
遠別極知諸福在夢魂偏泥寢門前

兩有年字
同義別

瀛洲雅會次劉野亭先生韻

四首

垣竹埤梧映碧溪八龍名氏鑠新題乾坤此會今能再

江漢清流自不西前席已歸黃閣老雅歌仍和北山藜
黃花待我渾無恙敢向霜枝著眼低

鄙夫貪住白雲谿一鶴多慚大手題幾憶蓬瀛天遠近
又親談笑席東西酒行樂處兼浮白羹味平時半著藜
千古斯文知未喪晚風衰柳望中低

分曹多暇復同遊意氣驩然隘九州佳地稱為文字飲
清樽嫌及婦人謀毫端珠玉三千首眼底衣冠第一流
却恐疎慵叅未得君恩交誼兩難酬

黃花對酒勝春遊
羗裏蒲萄肯換州
諧謔有時成故事
行藏無處著人謀
病軀每憶三年艾
長楫終輕萬里流
瓊玖木瓜渾不類
向來詩句若為酬

送王實菴太宰致仕

承詔歸田鬢未皤
好山徐奉板輿過
人生盛福今如此
身外浮名更若何
四海均平藏妙用
三朝遭際足恩波
夢魂儻憶留都景
飛示新篇莫厭多

楊文貞公祠成大司成冰玉先生有作次韻

二首

霖雨當時已霈然更餘膏馥遠流傳元臣廟食宜千載
太守囊封契九天奔走故應多士合經營還喜後人賢
清時盛典那無紀牆壁新題又幾聯

物情天意久差池殷禮初聞賦孔時公旦蒸嘗侯國領
平咸勲烈史官知衣冠此日方胥慶陵谷他年莫浪疑
來哲升堂渾不少合分前席與伊誰

送王伯安入朝

卮壚聯句佛燈前雲散風流頓十年曾見山東題小錄

又聞瀛海遇真仙一封朝奏心徒切萬里生還命有懸
今日仕優仍好學獨攜書卷去朝天

慶鶴次劉野亭先生韵

四首

出塵標格價難裁籠入南宮手自開槐露乍零呼伴起
竹風微動御仙來新袍有象宜為主老鳳無毛合避臺
我欲借騎應不惜上摩黃道訪三台

故典新儀費討裁鬱襟煩思若為開纔看種竹百竿活
又喜傳書雙鶴來聲徹鈞天偕律呂食分清俸走輿臺

浮丘相去流傳在何似吟篇落上台

鳴臯詩好為誰裁
靡爵心同衆有開
禁省合容山客聚
竹牕疑是故人來
春程翫舞時
叅隊靜鼓瑤琴
屢傍臺多謝揚州貪刺史
清風千古屬公台

緇素應煩玉女裁
曉風聲度畫堂開
身輕幾欲凌雲去
性警端能擇主來
曾見蘇公遊赤壁
復隨清獻過琴臺
人間俛仰江山舊
今日光華邇上台

送黃太宰先生致仕

馬船橫壓大江湄且對離筵賦別知天上風雲還似昨
古來卿相亦如斯青山自是通行路黃髮何妨再起時
家近蘭亭春正好未應高興減羲之

送楊長史之任

壁水溶溶老翠芹湘潭春色又平分裾長穩向王門曳
調古多從宦邸聞曉殿光華依大雅晚牕消息付微醺
有時夢繞同寅地莫遣緘書隔暮雲

送韓大卿赴刑侍任

宦轍周流四十年甘棠陰在有詩傳匡時慮遠人難識
執法官高地屢遷朝下午門同輩少賞尋韋曲晚芳妍
羣生共此恢恢網一道宏網上屬天

送俞少司空赴召

鶯求高樹有新聲吹起殘花弄曉晴春水欲平桃葉渡
冬卿初別石頭城魏牟江上心能遠顯父壺中酒正清
臺沼百年餘武烈祇應前席問蒼生

送林博士赴九江貳守任

手栽桃李盡成陰此去應勞撫字心清酒幾行賒後會
朱絃三歎有遺音爐峰日射香烟紫湓浦潮添雪水深
解慍風行吾亦快不妨題句滿東林

陳復清輓章

侍御察之父

吳水東頭舊隱村幾株楊柳映柴門閑中秀句多能辦
身後清風凜尚存藥圃燕交春徑跡釣沙龍變晚潮痕
亦知埋骨青山久深入泉臺有湛恩

次韻睡起答何中蒙趙元默二舉人

二首趙嘗及白沙門

雨中江柳亂毵毵
午枕知君未肯貪
萬里珠還南海櫓
一般青出白沙藍
心游物表風斯下
坐到更深月正南
巾幘依然塵不染
蒼頭猶進曉盆柑

眼前真合口三緘
山有黃精憶舊鑱
美酒如澠輸客醉
翠屏當牖要人監
吟多未覺風光盡
夢少何妨燕語喃
行止分明天意在
北風長夏送歸帆

時除名歸

雨中過鄱陽湖望廬山不見

那堪雨脚連山脚
寄與山靈莫浪猜
宇宙要開觀物眼

風波方見濟川才卧龍庭院誰專領跨鶴仙人儻一來
袖有瓣香真自惜鑪峰何日掃莓苔

北堂永秀為趙元默賦

北堂坐對宜男草遊子行省永秀圖風渚殘燈飛夢近
曉叢清露著花無香浮壽酒筵初秩影亂褊衣日未晡
共識王孫家法遠眼前餘慶是貞符

候風南浦連日苦熱

南浦逶迤綠樹多萬艘環繫水無波喧聲不覺催人老

美景其如執熱何
河朔芳樽空往事
郢中白雪漫高歌
十年塵垢紛盈爪
聊就深清試刮磨

寫懷寄監中寮友

鷄鳴山下橋門路
二十年中憶屢遊
伴食再書新紙尾

趨庭先到舊營頭

大人舊居
校尉營

清時有幸歸田早
白日無

私照物周千里
故人高誼在幾回
風雨夢孤舟

環山樓為陳太僕題

元龍牀上有高樓
新占淮南第一州
青翠入牕來不斷

圖書終日坐忘收花香客醉釀泉酒雨霽人爭野渡舟
吟送夕陽芳草遠滿川雲錦散驂騑

慶族叔用丹甫壽七十

東風吹却暮雲輕南極星光徹夜明細數春秋經七十
直從髫髻閱升平山扶棟宇層層在手種松篁箇箇成
壽酒一年還一度德音長合重鄉評

用西阜叔父韻謝守菴叔父招飲

小樓偏得近高居酒熟常蒙隔壁呼最喜家庭多壽豈

不妨窮達有乘除古人可作歸元亮
實事堪陳陋子虛
飲到酣時情已洽天寒何必更投壺

用韻謝諸父見過賞雪

雪中清賞就蝸居坐久還聞凍鳥呼
草率時羞慚餽飮
拜興常禮荷開除老親飲量渾無敵
諸父詩名總不虛
聞說梅梢春意早擬於花下更攜壺

次韻寄二弟并自述

同朝同氣復同居省取荆花滿意舒
斗附北辰喉舌正

春生嚴棘網羅除笑談自可兼三益變動還應玩六虛
飲酒飫時遙念我磁甕無謝玉為壺

奉親堂上是安居春酒杯長日自舒已向園林成獨樂
不知廊廟富新除讀殘帝典孤燈在參透禪機萬象虛
藥籠祇今多國老閒身聊寄老翁壺

天涯書到動經年字滿長箋又短箋小日弟兄原競爽
一時名位總光前從知有道興明哲自信無媒合蹇連
身世未應容易了古書何啻一囊錢

聞逆宦伏誅次澄江公韻

元惡端宜具五刑株連仍覩罷三卿

曹劉

君臣有道終

須正天日無私本自明堪笑李斯空歎犬

張

也若為馮道

尚封瀛

焦

中興合在周宣上一攬威權萬國平

次韻奉呈大人

一門重疊被恩光仰愧慈烏又趨裝清酒已塵先叙別

紫袍猶得自薰香心期及物才非稱教熟趨庭行合方

聞說便途歸仲子私恩公義總天常

將行之旦得加封
丈書遂行望謝禮

告祠堂

會族

次韻答守菴叔父復官之賀

社鼠寧容久穴居時來羣憤一朝舒祖功宗德分明在
苛禁繁文次第除萬里渚鴻飛向北幾人蕉鹿夢成虛
不才也復青氍舊賀酒親煩載滿壺

次韻答曾雪坡

此行疑是又疑非賴有高人獨我知義重敢先東郭弔
情深難忘北山詩即看俎豆橋門日寧異簞瓢陋巷時

好景別來偏入夢雪坡春水到愚池

寄李敬夫用其送行韻 二首

謫仙孫子瑩水清七步踉蹌五字成心遠獨憐山水好
眼高渾看利名輕存身我已慚龍蟄縻爵誰應和鶴鳴
別酒半醒回首處江風吹浪暮雲平

幾載巖居夢亦清手栽松竹喜初成君王自合天明畏
我輩寧關世重輕殘卷未容資蠹食好山重許對鷄鳴
却愁心學人稀講滿耳高談了治平

整菴存稿卷十七